

Oqaasiliortut

Oqaasiliortut ataatsimiinnerat

sisamangornermi novembarip 24-anni, 2005 nal. 10.00

Oqaasileriffimmi

Peqataapput: Carl Chr. Olsen, Stephen Heilmann, Ellen Jensen, Nuka Møller.

Liisi Egede Hegelund peqataangilaq.

Aamma najuupput: Oqaatsinik misissuisoq Bolatta Vahl, allatsi Møller.

Oqaluuserisassatut siunnersuutit:

Oqaluuserisassat akuerisassanngorlugit saqqummiinnerat

Kingullermik ataatsimiinnermit imaqarniliap akuerisassanngorlugu
saqqummiinnera

Sullivinni tarnikkut atukkat pillugit taaguusersuutit

Kukkuniat (Per L.-ip suliaakkiissutaa)

Oqaatsit isummerfigisassat:

Kristian Poulsenimit siunnersuutigineqartut


Menu-punkt

Rullende fortov

ildsjæle

Apeqquteqaatit akissuteqarfigisimasat

Taasariaqartut allat



- 1 pillugu -


Oqaasiliortut siulittaasuat Carl Chr. Olsen (puju) ataatsimiigiartunik tikilluaqqusivoq. Kinguninngua aperivoq ataatsimiinnermi oqaluuserisassat akuerineqarnersut. Nuka Møller ilassutissaqarnerarpoq kingullermik ataatsimiinnermit oqaatsimut akuerisamut tunngatillugu, tassa *kutsiorti* pillugu. *Kutsiorti*-lu oqaluuserisassanut immikkoortoq 5-imiittunut inissinneqarpoq oqaluuserisassat ilagilerlugu. Oqaluuserisassanut immikkoortoq 5-imiittunut ilanngunneqarportaaq *integrerede institutioner*-i kalaallisut qanoq akuerisaasumik taaguuteqalissanersoq.

- 2 pillugu -

Kingullermik ataatsimiinnermit imaqarniliamut tunngatillugu Nuka Møller naqqiissuteqarpoq immikkoortoq 4 pillugu, tassa Inuit aqqinik nalunaarsuutitut tunngasumik nassuiaanermut tunngatillugu. Oqaaseqatigiit uku; “*Oqaatigaa kalaallit aqqi akuerisat kingullermik 1999-imi taassumalu siuliani 1985-imi nalunaarsorneqarsimasut*” ima allassimasussaasoq oqaatigaa; “*Oqaatigaa kalaallit aqqi akuerisat kingullermik 1999-imi taassumalu siuliani 1985-imi saqqummersinneqarsimasut*”. Oqaaseqatigiit naqqitat aappaat imaassapput: “*Taamatut nalunaarsuinermini atuakkiortut atuakkiaat ukua nalunaarsuinermini atorsimallugit oqaatigaa*”. Naqqiissutit aqqinneqareermata kingullermik ataatsimiinnermit imaqarniliaq akuerineqarpoq.

- 3 pillugu -

Oqaasiliortut aalajangerput Sullivinni tarnikkut atukkat pillugit taaguusersuutit angerlaallugit misissoqqissaassallugit, sapaatillu akunnerata tulliani decembarip aallaqqaataani 2005-imi nalunaaqutaq qulinut taakkuinnaat eqqartorlugit Oqaasiliortut ataatsimiissasut.



- 4 pillugu -

Per Langgårdip Oqaasiliortunut suliakkiissutigaa kalaallit oqaasiinik suliaqarnermi præskription imaluunniit deskription malillugu ingerlasoqassanersoq. Oqaasiliortut oqallisingaatsiarput. Suliakkiinermini aallaaviuvoq *kukkuniiat* –ip qanoq ingerlateqqeriarnissaanik apeqqut. Annermik Oqaasiliortunit sammineqarpoq sprognormi maleqqissaarneqassanersoq imaluunniit ullutsinni oqaatsit atugaasut sprognormimut malinninngitsut aamma kukkuniiaammi ilaatinneqassanersut.

Aalajangiunneqarpoq sprognormi malinneqassasoq, aammali sprognormimut malinninngitsut ullutsinnili atugaasut immikut akuerisat atorpeqarsinnaasut. Oqaasiliortut siulittaasullu isumaqatigiissutigaaq siulittaasoq apeqqummut akissutissiussasoq.


Siunniunneqarpoq Oqaasiliortut aaqqissugaannik kalaallit oqaasiinik suliaqartut isumasioqatigiissinneqassasut kalaallit oqaasiinik suliaqarneq qanoq tunngaviligaassanersoq qulequtaralugu. Isumasioqatigiinnissaq qaqugu piumaarnersoq sulii aalajangerneqanngilaq.

- 5 pillugu -

5a. Kristian Poulsenip siunnersuutigaa oqaasersiaq borgmesteri kalaallisut taaguuteqalissasoq ima: Angutaappat *kommunip ittua*, arnaappallu *kommunip ningiua*. Siunnersuutaata aapparaa kommunaldirektøri kalaallisut ima taaguuteqalissasoq: *Kommunip pisortaanera* imaluunniit *Kommunimi pisortaaneg*. Kristiaap siunnersuutaasa pingajoraat Kommunalbestyrelse-p *Kommunimi aqutsisut*-tut taaguuteqalernissaa. Siunnersuutigaattaaq byrådet kalaallisut ima taaguuteqalissasoq siunnersuutigaattaaq: *Kommunimi aqutsisut*, aamma byrådssalen ima: *kommunimi aqutsisut ataatsimiittarfiat*.

Oqaasiliortut aalajangerpaat Kristian Poulsenip siunnersuutai kommuninut tusarniaassutigineqassasut.

Kristian Poulsenip siunnersuutaa kingulleq nunap aqqinik allanngortitsinissamik imaqarpoq, tassa Nordostrundingenip ima ateqartinnissaanik



siunnersuuteqarami: *Kangersuaq*. Siunnersuut taanna Nunat Aqqinik Aalajangiisartunut ingerlateqqinneqassaaq.

5b. Nuup kommuniani nutserisup Niels Poulsenip apeqqutigaa oqaaseq *menu-punkt* kalaallisut qanoq taaguuteqarnerisooq. Stephen Heilmannip siunnersuutigaa TELE A/S-imi teknologimut tunngasunik taaguutininik suliaqartunut apeqqutigineqassasooq, taakkuninnga suliaqartut tamakkuninnga suliaqartuummata.

5c. “Rullende fortov” Oqaasiliortunit akuerineqarluni kalaallisut ima taaguuserneqarpoq: *pisuffik ingerlasooq*.

5d. “Ildsjæle” Oqaasiliortunit akuerineqarluni kalaallisut ima taaguuserneqarpoq: *ilungersuussilluartooq*.

5e. Kingullermik Oqaasiliortut ataatsimiinnerata imaqarniliornerani allassimagaluarpoq fuldmægtig kalaallisut ima taaguuteqalissasooq: kutsiorti. Imaqarniliami aalajangiussinerunani misissugassanngortitsineq mininneqarsimasooq uparuarneqarpoq.


Nuka Møllerip kutsiortip isumaanik nalunaarsuinerata takutippaa kutsiorti fuldmægtigimut taaguutigitissallugu naapertuutinngitsoq, - isumaliutigeqqitasanngortinneqarpoq.

5f. Nuka Kleemannip Perorsaanermik Ilinniarfik sinnerlugu Oqaasiliortunut qallunaat oqaasiat integrerede institutioner kalaallisut akuerisamik taaguuteqalernissaa saaffiginnissutigaa. Oqaasiliortut aalajangerput ima taaguuteqalissasooq: *minnernut annernullu meeqqerivik*.

- 6 pillugu -

Apeqquteqaatit akissuteqarfigisimasanik soqanngimmat immikkoortumi tassani oqallittoqanngilaq.

- 7 pillugu -



Taasariaqartunut tunngatillugu Stephen Heilmannip oqaatigaa sullivimmini assortuussutigineqarsimasoq oqaaseq Inuit qallunaatut ataasersiutinngortillugu qasseersiutinngortillugulu qanoq taaneqartarnersoq. Ilaatigut oqaatigineqarsimalluni qallunaatut Inuit ataasersiutaasoq, Inuitter-ilu qasseersiutaalluni. Isumaqataannngitsullu oqaatigisimavaat Inuit qasseersiutaasoq. Siulittaasup nassuiaateqareerneratigut innersuussuteqarneratigullu oqaatsip danskisut atugaanera nassuiaatinngorlugu Dansk Sprognævnet saffiginnissutigineqassasoq aalajangiunneqarpoq.

Carl Chr. Olsen
Siulittaasoq

Lisathe M. Kruse
Allatsi